



寫予囡兒的一張批

時間咧過真緊，一日瞞仔恁攏是大學生矣，一頂眠床無法度閣予恁三个姊妹仔呷做伙，我不時猶會想著恁細漢輪流予阿爸洗身軀的代誌。

恁阿爸漢草真好，身懸百八，便若跼佇浴間內，就愈感覺浴間仔足細間。伊驚恁囡仔人袂正經洗，會耍水煞去寒著，堅持時間若到，就一个一个掠入來倒頭栽挾跼伊的腋下空，展開伊倒手的手拂，頭共恁挺咧、雙耳用大頭姆和尾指掩起來，先替恁洗頭髮了後才洗身軀。

恁講予阿爸洗身軀，是上幸福的爸仔囡親情，特別是洗長長長的頭髮，伊的手勢攏袂予水走入去恁的耳空內。倒佇阿爸的手裡，規身軀放輕鬆，好親像是暍佇阿母的腹肚底，嘛親像倒佇紅嬰仔的搖筊，遐爾有安全感。有時陣，恁會假影暍去，當做咧坐碌碌馬全款，搖咧搖咧。阿爸的正手輕輕仔抓恁的頭殼皮，用拉圖仔燒的水沖雪文泡。伊無佻意留指甲，會使講是用伊的指頭仔尾共恁掠龍全款。有時陣，阿爸愛滾耍笑，叫恁照鏡看起泡的洗髮精有佻法官戴的彼頂帽仔無？恁細漢的代誌，已經過幾若冬矣，猶是清清楚楚印佇咱的記持內底，連我嘛誠懷念。

這馬恁已經是長大成人的青春少女矣，看恁一个一个離開阮的身軀邊，飛去外口追求恁的夢，阮做人爸母的，歡喜是歡喜，毋過嘛是會煩惱。有人講囡仔是父母甜蜜的負擔，我認為恁嘛是陪伴阮大漢的導師，有時阮會當佇恁成長的過程當中，學著真濟寶貴的道理；有時嘛會照恁的表現，體會著無仝個體的人生哲學。

真感謝恁三个姊妹仔相忝來和阿爸、阿母做伴，予阮享受著健全家庭的幸福，這種成就感佻體會，是咱一家口仔共同營造出來的。我特別欲感謝恁攏有無仝的天份，佇成長的過程，充分展現恁的才華，逐工製造無仝的趣味，予咱兜不時都有笑聲，嘛因為有恁的傳承，阮的奮鬥才感覺特別有意義。

作者：柳青亮

☆詞彙學習☆

【呷】kheh/khueh：擠。

【腋下空】koh-ê-khang：腋下、腋窩。

【手拂】tshiú-pôo：手掌、手模。

【搖筊】iô-kô：搖籃。

【碌碌馬】lòk-khòk-bé：小孩子所乘坐的玩具木馬，能夠前後晃動。

【拉圖仔燒】lâ-lûn-á-sio：溫溫的。微溫而不熱。

【雪文泡】sap-bûn pho：肥皂泡。

【掠龍】liáh-lîng：按摩。

【滾耍笑】kún-sng-tshiò：開玩笑。

【無仝】bô-kang：不一樣。